



Machaa Jaalala

Description

Akkuma waraanni lubbuu namaa galaafatu dandaâ€™u jaalallis yoo daangaa darbee qalbii fi lubbuu namaa galaafachu dandaâ€™a. Duraan dursinee hiikni jaalala maal akka taâ€™ee mee ilaallu. Jaalalli afaan ingiffaatin â€˜Loveâ€™ yommuu jedhamu Afaan Arabiffaatin immoo Al-Hubb fi Al-ishq jedhamu. Afaan Arabiffaa hiika gaarii fi balâ€™aa jaalalaaf kenna. Beektoota armaan gadii wabii godhachuun hiika jaalala beekuf mee haa carraaqnu.

Barreessan galmee jechoota Afaan Arabiffaa Ibn Manzuuraakkana jedha, â€‘Al-ishqu farxul hubbi- Al-ishq jechuun hubbi (jaalala) daangaa darbeedha.

Waaâ€™ee Al-ishq fi al-hubb akkasumas kamtu irra faarfamaa (gaarii) akka taâ€™ee Abu Abbaas Ahmad ibn Yahya gaafatame. Innisakkana jechuun deebiseef, â€œAl-Hubb irra faarfamaadha (gaariidha). Al-ishq jaalala keessatti daangaa darbuu waan taâ€™eef faarfamaa (gaarii) miti. Namni jaalalan qabame Aashiqa wanti jedhamee moggaafameef gubaan fedhii lubbuu itti jabaachu irraa kan kaâ€™eeakkuma baalli yommuu muramu qaamaâ€™u innis (namni jaalalaan qabames) waan qaamaâ€™uufi ykn walitti sunturuufi. Baalli mukaa jalqaba magariisa, ergasii walitti suntura. Sana booda ni daalachaaâ€™a. (Al-ishq (jaalalli daangaa darbees) kanumaan wal fakkaata.)â€‘¹

AbdulBarrakkana jedha: Gamnoonni gariin waaâ€™ee Al-ishq (jaalala daangaa darbee) gaafataman. Isaanis, â€‘Al-ishq qalbii qulla koâ€™oomsa (biizii godha).â€‘² jedhan.

Pilaatonakkana jedha, â€‘Jaalalli daangaa darbee sochii lubbuu qullaati (duwwaati).â€‘³

Shekul Islaam ibn Taymiyaakkana jedha: â€œAkkana jedhama: Jaalalli daangaa darbe hubanna, yaada fi dandeetti waa beeku kan balleessudha. Namni jaalalaan qabame fuggisoo wanta namni sun keessa jiruu itti yaada.â€‘⁴ (Fakkeenyaf, namni inni jaalalaan irraa qabame haalaakkanaa keessa jirti jedhe yaada. Garuu haalli inni yaadu fuggisoo sanii taâ€™uu dandaâ€™a hanga wanta yaade san qunnamutti. Yaadota baayâ€™ee fi duwwaa of keessatti horsiisuun dhibee jaalalaatin of miidha.)

Gabaabumatti Al-ishq (Jaalalli daangaa darbee) wanta faarfamuu osoo hin taâ€™in wanta balaalefatamu fi badiin inni fidu kan hin shallagamneedha, uffataa salphinnaa fi xiqqenyaan kan namatti uwuwisudha. Fuggisoo kanaa Al-Hubb (jaalalli gaarii fi daangaa qabu) immoo wanta faarfamuu fi buâ€™aa baayâ€™ee buusudha. Kanaafu hiika kanniin lamaani erga addaan baafannen booda badii jaalala daangaa darbuun dhufuu dhowwuun nutti hin ulfaatu jechuudha.

Hiika jaalalaa erga barreen booda â€˜Machaanâ€™ maal akka taâ€™ee mee waliin haa ilaallu.

Machaa jechuun sammuu dubbii hubachuu dhiisu fi waa addaan baafachuu dadhabuudha. Machaan sammuu waa hubatu namarrraa mulqiti. Imaam Ahmad ibn Hanbal (Rabbiin rahmata haa godhuufi) akkana jedhamuun gaafatame, â€˜Namni tokko machaaya taâ€™uu akkamitti beekkamaa?â€™ Innis,â€ Uffata ofii uffata nama biroo irraa, kophee ofii kophee nama biroo irraa addaan baasu yommuu dadhabu (machaaya jedhama).â€ Jedhee deebise. Imaamu Shaafiâ€™inis, â€œYommuu dubbii tartiiba qabu walitti naqe (wal keessa dhaye); iccitii dhokataa yoo ifa baase (machaaya jedhama).â€ jedhe.⁵

Sababoонни machaa baayâ€™eedha. Gariin farsoo irraa, gariin qabeenya irraa, gariin dhibee irraa, gariin balaa irraa, gariin aangoo irraa, gariin immoo jaalala irraa machaaâ€™a. Kanniin keessa harâ€™a kan ilaallu â€˜Jaalala irraa machaaâ€™udhaâ€™. Akkuma namni tokko yommuu farsoo dhugu machaaâ€™u namni jaalalaan qabamees ni machaaya. Yommuu nama jaallatu san argu wanta jedhu hin beeku. Dubbiin isaa harkaa wal dhaya. Sammuun irraa deemti. Dubbii nama biraas hubachuu garmalee itti ulfaata. Wanti inni hojjatu wanta daaâ€™imni hin hojjanneedha. Jaalalle ofiitiif jedhee meeqatu lubbuu ofii dararaa jira, yookiin inuma kan lubbuu ofii galaafate meeqatu jira.

Namni yommuu jaalalaan qabamu of gadi xiqqeessa. Nama saniif daaddee deema. Kanaafu miidhaa Al-Ishq (jaalala daangaa darbee) osoo ilaalle hoo?

Miidhaa Jaalala daangaa darbee

Akkuma farsoon nama macheessun nama gatantarsiistu jaalalli daangaa darbees akkasuma namatti taphata.

â€œNamoonni jaalalaan qabaman namoota hunda caalaa kanneen dhiphataniidha, kanneen salphataniidha, kanneen Gooftaa isaani irraa fagaataniidhaâ€, nama Rabbiin rahmata godheef malee.

Waaâ€™ee miidhaa jaalala daangaa darbee ilaachise akkana jedhama: â€œFitnaan (qormaanni) jaalalaa matooti meeqa funyaan isaanitin ibiddatti gorbiste; kutaa adabbii (azaba) laalessaatti dabarsite kennite. Nama meeqa beekumsa fi amantii irraa baaste akkuma rifeensi lixii keessaa bahu. Qananii meeqa irraa kaastee hiyyumatti isa gatte. Nama meeqa sadarkaa kabajaa irraa buuste gara warroota salphatan keessaa tokko isa goote. Nama meeqa qullatti hanbiste, adabbii laalessaa isa dhandhamsiiste, gaabbi keessatti isa gatte. Ä°bidda gaddaa onneen keessatti gubattu itti qabsiiste. Kabaja inni Rabbiin biratti fi namoota biratti qabaa ture nama meeqa irraa mulqite. (Rabbii fi namoota biratti kabajamaa tÅ½re. Garuu jaalalli daangaa darbee kabaja kana irraa mulquun salphinnatti isa gadi deebiste.) Qormaanni jaalala daangaa darbee nama meeqatti balaa hamaa itti feete, dhiphinnatti isa dabarsite, dhuma hamaatti isa geessite, diinummaa bobeessite. Osoo akkana jette gaafattee, â€œQananii kee maaltu sirraa oofe? Qiimi (gadoo) maaltu sitti garagalche? Yaaddo fi gadda maaltu sitti feâ€™e? Iccitii kee maaltu ifa baase? Ifa fuula keeti

maaltu ifa irraa kaasun dukkaneesse? Jirenyaa kee maaltu gadi xiqqeesse? Aduu imaana maaltu si jalaa dhaamse? Jabeenya nafsee teeti maaltu gadi laamshes? Erga kabajamte booda maaltu gadi si xiqqeesse? Dhugumatti kuni ajjeechaa jaalalli daangaa darbee warroota isaan qabaman irraan gahuudha. â€œ

â€œQormaanni jaalala fitnaa guddoodha. Balaa jabduudha. sheyxanni karaa kanaan ilma nama gowwomsa. Waxmadi isaatti dabarsuun qalbii gabroonfata. Yaa gaabbi nama gatii xiqoon of gurgure! Jaalala Rabbii Guddaa dhiise jaalala fedhii ofii bitate. Miâ€™aan jaalalaan inni bitate darbite. Garuu miidhan ishii hafte. Buâ€™aan ishii dhumatte. Fedhiin darbe garuu daraaran fi gaddi hafe. Machaaâ€™isni sun dhaabbate garuu gaabbin hafe.â€• Dhugumatti miidhaan qormaata jaalala daangaa darbe irraa dhalatu jechootan ibsuun ni ulfaata, gurraanis dhagayuun ni jabaata. Garuu namni yoo machaaâ€™u sammuun isaa waan jalaa deemtuf yeroo dhaabbate miidhaa kanniin itti yaadu hin qabu. Fedhii gabaabduuf jedhe gaddaa jirenyaa isaa/ishii guutu keessatti darba/darbiti.

â€œOssoo hiribaa fi boqonnaa isaani argite, hiribaa fi jaalalli kan walitti hin dhufne (walii hin galle) akka taâ€™an silaa ni barta.â€• Dhugumatti namni jaalalaan qabame halkan hirriba gaarii hin rafu. Yeroo durii sanuu wayya. yeroo amma kanatti wanti irra bulan nama gaddisisa, nama jibbisisa. halkan filmii wal-qunnamtii saalaa ilaala bulun hiribaa fi boqonnaa ofirraa ariâ€™u. Halkan sirnaan yoo hin rafin guyyaa akkamitti boqonnaa argatu? Yaa nama jaalalaan gubataa jiru! Falli kee maalii? Insha Allah boodarratti ni ilaalla yookiin barruulee Qorsa jaalalaan dubbisuun itti fayyadami.

Daraaran bira jaalala daangaa darbe irraa burquu â€œ Zulmii (miidhaa, yakka, badii fi kkf dhaâ€• Sababa kanaan kabaja nama meeqatu mulqame, lubbuu meeqatu darbee, qabeenya meeqatu saamame.

Mulqamuu kabajaaâ€“ yommuu dhirrii fi dubartiin wal hin fuune yookiin kan wal fuudhan waliin deeman, kabajni isaani hangam akka miidhamu shallaguun hin ulfaatu. Namoonni ija shakkittii fi jibbinsan isaan ilaalu. Dubartii meeqatu maatii ofii irratti salphinna fidde. Dhiira meeqatu haadha warraa ofii manatti dhiise tan bira walii fiiga. Dubartii meeqatu bakka abbaan warraa hin jirreetti dhiira bira walii wanta rawwattu raawwatti. Daaâ€™ima bira abbaa warraa ofitti fiddi. Waaaa! Salphinna akkam ulfaatu. Machaan jaalalaan asitti hin dhaabbatu. Zulmii akkam guddaadhaa! Maatii bittineessa, nama wal lolchiisisa, erga duroomanii booda nama hiyyoomsa. Yaa nama jaalalaan machaaâ€™e ossoo miidhaa kana hunda hubate, sila mana ofitti ibidda ni qabsiisaa?

Lubbuun galaafatamuâ€“ shirkitti (Rabbitti waa qindeessutti) aanee badiin (zulmiin) guddaan lubbuu haqa malee ajjeessudha. Meeqa kamtu dubartiif jedhe wal ajjeessa. Meeqatu fedhii isaa waan hin guunnef nama san galaafate. Fedhii gabaabduuf jedhanii nama galaafachuun sila akkanumatti salphaa taâ€™e? Dubartii meeqatu ilma sagaagalummaan dheesse ajjeesa. Ilmi kuni ossoo ajjeefamu baateyyu daraara fi salphinna guddaa keessa jiraata. Balleessan isaa maalii sila? Yaa nama jaalalaan machaaâ€™e sila miidhaa kana hunda hin hubatu!

Saamamu qabeenyaâ€“ meeqa kamtu mana walirratti gube. Qabeenya walii barbadeesse. Namni yommuu jaalalaan machaaâ€™u ija ittiin argu, sammuu ittiin hubatu hin qabu. Kaayyoon isaa fedhii gabaabdu qofa guuttachuudha. Yoo fedhiin suni hin guuttaminiif wanta isa fundurratti dhufe hunda daaka. Qabeenya namaa haqa malee saamu fi barbadeessun badii fi yakka guddaadha. Yaa nama

jaalalaan machaaâ€™e fedhii gabaabdu guuttachuuf jette maaltu badii fi gadda kana hundatti si galche. Ossoo obsite teette maal si qabaa?

Amalli baduu, sammuun duguluuâ€“ sagaagalummaa bakka lamatti goodu dandeenya. Sagaagalummaa dhiirri dhiira irratti hojjatu (homosexuality) kan akka ummata Luux fi sagaagalummaa dhiira fi dubartiin walirratti raawwatan. Kunniin badii akkam fokkataa fi hamaadha. Uumama namsa balleessa, qaama laamsheessa, sanyii bakka hin taanetti qisaasessa, sammu doomsa, amala namsa fokkisa. Hojii akkanaa raawwachuu dhiisaa dhagayunu garmalee nama jibbiisa.

Imaam ibn Al-Qayyiim â€œBadii lamaan kanniin caala cubbuun qalbii fi amantii irratti miidhaa geessu hin jiru. Badiin kunniin Rabbiin irraa nama faggeessu. Wantoota fokkuu gurguddoo keessaa isaan tokko. Qalbiin wantoota fokkuu lamaan kanaan yoo xuroofte wanta gaarii jedhamu irraa ni fagaatti. Dhawaatuma wanta fokkuu raawwachuu itti fuftuun qalbiin tunii Rabbiin irraa akkasuma fagaata adeemti.â€¢ jedha.

Akkuma badiin wal qunnamtii saalaa faalla jiddutti adeemsifamu badaa taâ€™e kan saala wal fakkaatu jiddutti adeemsifamu (homosexuality) badiin isaa hangana hin jedhamu. Sababni guddaan ummanni Luux itti badaniif keessaa tokko homosexuality dha. Yeroo ammaas hojii fokkuun akkanaa babalâ€™ate jira. Ammas Imaam ibn Al-Qayyim miidha hojii fokkuu kanaa haala kanaan ibsa:

â€œHojiin fokkuun kuni nama raawwate fi kan irratti raawwatame jiddutti jibba hamaa darba, yaaddo fi gaddaa itti fida. Fuula gurraachessa, qalbii dukkaneessa, ifa qalbii dhaamsa, fuula isaatti kophummaa itti uwvisa. Fuula isaatirraa namni aqliin isaa xiqqaa taâ€™eeyyu ni beeka. Haala isaan lamaani balleessa.â€¢

Sagaagalummaan kabaja shamaraa irraa kaasun salphinna itti uwvisa. Salphinni kuni ishii qofa irratti kan dhaabbatu ossoo hin taâ€™in maatii, dhiirsa, firoota ishiis kan haguugudha. Dubartiin sagaagalummaa irraa yoo ulfoofte, ilma dhalte ajjeessun badii sagaagalummaa fi ajjeecha altokkotti badii lama raawwatti. Dhugumatti sagaagalummaan ajjeechaa ajjeechaa caalu, hiyyummaa namatti uwvisa. Namoota meeqatu sababa kanaan hiyyummaa fi salphinna keessa jiraata. Hojii akkam fokkuudhaa!

Gudunfaa

Jaalalli daangaa darbee badii hundaa kan of keessatti hammatteedha. Eeti namni dogongore jaalalaan machaaâ€™u dandaâ€™a. Garuu erga of beeken booda dafee keessaa bahuuf tattaafachu qaba. Dafee keessaa bahuuf yoo hin tattaafatin balbala milkaâ€™innaa fi gammachuu itti cufa. Kallatti amma keessa jiran irraa kallatti biraatti jijiramuun jalqaba irratti ulfaachu dandaâ€™a. Garuu hanga fedhe ulfaata haa fakkaatu yoo obsaan carraaqan jijiramni ni dhufa. Jijirama kana keessatti gufuwwan isa/ishii rukutaniif abdii kutuu hin qabu/hin qabdu. Yommuu machaan jaalalaan kakaâ€™u namni tokko badii armaan oliiti fi kan biroo of haa yaadachiisu.

Insha Allah torbaan kutaa itti aanuun hanga walitti deebinutti turtii gaarii.

Kitaabilee wabii

5.rewdatul-muhibina Fuula 107

1,2,3 fi 4 al-ishq fuula 5 fi 6

Jechoonni hayyoota biroo kanneen lakkofsa hin qabnee fi mallatoo warraabbi keessa jiran kitaaba kannarrea fudhataman: al-ishq fuula 13 hanga 30 jiddu jiru.

Date Created

December 3, 2016

Author

admin